

淵雅堂全集

淵雅堂編年詩藁卷十一

長洲王芑孫念豐

癸丑

題吳蘭雪上舍

嵩梁

新田六憶圖六首

當庭粲晨葩憶此稱觴樂寸草自春風吹徧天涯綠

華

院稱觴

題詩草堂日倚枕夢梨花不道花前客今回夢裏家

草

堂尋句

輦下過花朝寒衣未歸篋記得柘塘邊春衫風葉葉

柘

塘春步

曉山不勝瘦寫我入秋容偶欲書新句山椒柿葉紅

蘇

山秋望

君有閨中婦能爲爾汝歌攜家谿上住便是小鷗波

石

谿鷗伴

昔日常雙坐清琴對石牀故山茶信到郎自不還鄉

蕉

陰茗詒

次韻答蘭雪見贈四絕句

人自蕭疎氣自華居然白袷傲烏紗花時別我江南去
君到江南正落花

且莫尊前喚奈何書生從古患才多彈琴歸看文君鬢

得意詩成滿意歌

斜陽芳草自燕臺燕子飛飛去復回未可傷春更傷別
登高一唱野鷹來

雪涕山陽感脫驂羊求迹冷逕三三中郎貌似神俱似

瘦沈當時態亦慙

君貌極似亡友沈芷生

附原作

撫州 吳嵩梁 蘭雪

同日簪毫傍

翠華嬉春句好盡籠紗春風不道如彈指紅過秦淮
十度花

細雨昏燈奈汝何匆匆春事已無多劍花斫地成秋

水重聽王郎被酒歌

傳得新詩壓玉臺
焚香浣露誦千迴
吳綾一幅書唐韻
不向西山跨虎來

辦歸無計策征驂
忍負芳華月二三
蝴蝶成團鶯對語
百花生日憶江南

胸後重送蘭雪出都兼示桐鄉程春廬孝廉

拱字

五首

近來漢學日縱橫
老輩荒疎怕後生
不道今年逢二妙
江西吳與浙西程

榜下紛紛各券驢
君非落第也登塗
程君亦恐匆匆去

留我羈孤傍路衢

如君才調極清真何太纏綿欲我親一種至情磨不得
便應接迹到風人

須尋玉宇上瓊樓今古蒼涼貉一邱年少能文三不幸

莫就風月作去聲名流

放罷仍煩慰藉多讀書果否爲求科生平不下窮途淚
與爾臨歧一浩歌

榜後同年家直菴考功寧焯以詩見贈次韻答之

士方讀書時空山奏韶夏所對皆古賢九萬風斯下以
此出投時鹹酸殊耆炙文壇幾興廢巨子遞橫跨豈期

桓文衰遂有宋襄霸李廣老不侯時時遭醉罵一笑惟
婦觀跛眇自相迓窮達各有時何敢望吹借良田慳早
秋寒女甘晚嫁病卉春風前紅紫從傍姹可憐五穀皮
沾亦不滿價吾生久饑寒溝壑非所怕艱難苟存活尺
寸手可藉雖非千里駒猶足鼓車駕矢志荅此詩君其
勿悲詫

附原作

高密

王寧焯直巷

有狂者王生得之自前夏身不滿六尺氣欲蓋天下
馬班韓歐王剗割恣炮炙錚錚雜家文不足供凌跨
顧視當世才揮手笑偏霸羣仙足官府諸佛遭呵罵

諸王每邀致卿相亦交迓落落時去留熱豈梁孺借
南宮屢下第處子老不嫁寧以古妝服與世競姪姪
方今無遺賢此士猶待價苟或登諸朝能令側媚怕
使廁言官列獻替亦有藉共時無王良反虞其罽駕
我無薦士責詩之聊自詫

寄酬辰州守陳古華

廷慶

寄懷之作四首

丹砂不寄寄朱提還有新詩手自題向夕挑燈三過讀
春風吹夢楚江西

謝家游屐白家詩卻復廉能冠一時聞道桃源花似雪
漁人能唱使君詞

墨義淋漓七八篇傳誇往往遍朝賢輸君豈但官階貴

我輩腸枯應舉年

古華監試湖南闈
中自作擬墨七篇

長安流落渺愁予莫怪年年不遣書懷仰自勤書自懶
故人知我舊蕭疎

客有投詩求愚夫婦筆札者亦以一詩報之

生平毀譽都非意如我作書蓋兒戲戲耳何心論好醜
求請填門昧誰某長安索米時苦饑看人爲官我爲羈
揭來下第心悽悽天陰雨白馬踏泥此時索書轉火迫
或期一日或兩日明知此亦下第人券驢欲去難逡巡
一揮與之寧復惜秋蛇春蚓徒紛紛有客投詩忽通問

自言嚮往闕瞻近詩長鄭重和不得酬此槎枒數行墨
吾方卒卒謀移居索逋未了兼索書人生此境致惡劣
世有美者良可吁困中當家一老姥朝伏竈觚夜縫補
貼鬢金釵典將盡但有書中折釵股外人只愛詞章美
誤作人間彩鸞比君誠有意得其書他日寄君則可矣

移居詩

有序

勝發不第謀欲去京日下相知多勸留者同年何
工部道生割宅見處其地在宣南坊之爛麪衙衙
以五月初四日移具入居作詩示何並東時帆庶

子

法式善

春官三試輒三負流落長安復何有欲行不行無所依
正思自免攜孥歸故人相留至一一何郎割宅尤敦切
生平不具把茅資草堂到眼驟突兀築牆支竈判輿棨
吾置不理君自營翻手作雲覆手雨今世相與無此情
掃治粗了遂移具具少於車併童嫗隱几聊同南郭居
又錢暫學東坡寓年年遷徙賃廡春漏牀未免悲秋風
忽有友生能甚我信我天厄非人窮當日結鄰元與白
有約未成良可惜吾曹作事動勝古楊柳真分兩家碧
所恐詩筒來往勤搜腸屬和翻惱人庶子時時肯投宿
甕粟猶能飯君僕

附
催鐵夫移居

靈石
何道生
立之

寧作水中蟹莫作屋上烏
失馬乃福翁賦芋非愛狙
君知此理熟所以爲鐵夫
鐵夫勁於鐵得失輕錙銖
自挺松柏姿羞藉春風
噓三戰不得意氣尙豪江湖
畫眉競半額獨保冰雪膚
作衣且壓線補屋行賣珠
我有五畝宅可以割一隅
招君爲比鄰堂奧聊掃除
天意忽小阻三日濃雲鋪
一雨如漏卮巷陌皆決渠
遷期遂屢易出入愁泥塗
朝來誰聲噪初日明綺疏
碧落空蕩蕩清飈來徐徐
及茲速移具屏當琴與書
人生貴適意榮悴皆空虛
寸心抱千古落莫多歡娛

合并我最幸願比蛩駘切磋去瑕類庶以全吾瑜

蘭士招同時帆庶子

法式善

家給諫友亮

胡太學

翔雲

遊城南尺五園作詩見示次韻答之

移居數晨夕出郭暫追逐斯遊發今暢昔抱抒素蓄長
安足街衢甲第雄構築自非司空圖肯住王官谷洛下
記名園徃徃蹊徑熟却從荒僻區愜此登臨目入門路
三义漫階水一曲野風戰新蒲澹日陰寒竹四圍鬱叢
莽萬樹森旗纛橫斜種藥欄欹倒藏書屋潭影空無流
靜與天爭綠荷錢破漣漪橋柱聚迴湫忽逢萍點開知
有遊鱗觸適興茶自攜蔭涼衣可復創獲得未曾嘉境

當請復杜詠丈八溝寧免妓遊俗君題尺五園地擬壺
天縮招我濠濮間好禮至不宿把茅君庇我敢論林泉
福柴門鎖松筠風月沙虛獨園主與吾儕同茲一流矚
何如老園丁長鏡荷白木

送詹湘亭

應甲南還

士方窶賤易爲羣飛去輒成泥憶雲生平海內幾相識
胷腹往來多故人詹君十年心不變三別長安又三見
君亦棲棲躡旅間解衣殊有綈袍戀登科昔日快同年
此時同罷還相憐一朝揮手忽言去歸掃邱墓登江船
此行努力慎無阻君去吾留隔風雨明年設榻待君來

莫令花前久延佇

題畫蝴蝶二首

爾雅注魚蟲於蝶未有錄文章自周身豈須世名目
栩栩春風中享此花前福自非南華仙雙飛不能獨始信
光音天神仙留眷屬

託命風花間無過蜂與蝶蜂以蜜濟人辛苦遍遊獵
蠶尾若子產壯夫莫之捨蝶亦采花歸金粉事塗頰慨然
士能文輕華但一霎

題詩龕墨梅

山齋虛明壁雪色掛此槎枒數枝黑世上此花不容寫

畫梅但可畫以墨豈惟無畫亦無詩詩奇不敵花自奇
疎影暗香語寒儉繁花晴昊情支離詩竈要我作題句
我有鐵心未能賦謂花非墨浮墨溼謂墨非花足花趣
夜月冥濛上牕紙暑夕寒光從畫起不知墨影與花影
詩竈主人詩似此

題伊墨卿比部

秉綬

所藏劉石菴先生詩卷卽用

墨卿韻

有序

此卷石菴先生官編修視學江蘇時書蓋三十餘
年矣卷尾無名款年月殆由他人割截去其大半
而獨存此絕句十首也所書絕句乃題唐六如雜

畫而作予前年館於公公嘗書舊作一卷見贈有
此詩今墨卿所得雖非全本而於題唐畫詩實無
缺矣予卷嘗以示墨卿墨卿作詩題後今墨卿亦
出此卷屬題因次其韻

奕奕銀鉤三十年至今人作吉光傳帖如岳麓都分段
詩似夔州已竟篇猶喜繡圖留紫鳳依然墨海湧青蓮
人間錄副資參考他日應同掌故編

題洪稚存

亮吉

張船山

問陶

祭詩圖

我昔甫編初集竟銘櫝藏之醉司命生平不酒又不肉
祭之莫薦寒江淥君作此圖先一年攜圖歸卧船山巔

今來示我要題句三伏火雲燒暮天兩君詩力雄且厚
官職聲名俱入手祭之獲報直如此謂詩無靈豈其理
我詩日拙心日勞窮鬼跳擲錢神嘲便從兩君乞利市
歲晚亦與投棗糕

張船山

問陶

見示乞假還山諸集輒作二詩奉東

未能爲蜀遊頗好見蜀客同年張檢討詩才世莫敵毅
然洗萬古破空出奇特孫吳所著書不到韓彭臆我法
自孤起神鬼困膊磔天龍戰天魔遺却梵天敕怒雷入
其手倉卒下一擊瞿唐天下險匪窳獻刻畫淋漓墨數
行帑上見崩砮所恐腕力强振轉北斗極海內孫

淵如
星衍

與洪

雅存亮吉

覩子尙辟易吾今妄譏訶一笑不自測

奇於唐者韓所貴不因循奇於漢者馬所戒不雅馴馴者果何說擇義歸精醇飛黃氣騰達馭之九方默然而必已出在古不相因天於物最古自無昨日雲長此青一握風月時斬新不爾逞辯聰窮力追颺輪翻新乍驚愚久而遂陳陳吾儕一邱貉勇進獨有君摩君壁壘孰復此鎔于申吾終避三舍君必張一軍

酬張亥白

問安

淵雲自古非一姓今者蜀士稱二張世無歐梅有軾轍處姊未嫁誠何傷乃弟才情最奇崛君絕無奇轉恬謚

卻看近句學杜甫驕不驕真駿逸贈詩繚繞翻譽我
嗟我自觀無一可溫溫德度不如君半世略同惟坎壈
可憐貢直不知幾輒爲論文召是非天下何人識王弼
讀君詩罷一歔歔

附 讀楞伽山人詩集作

遂寧 張問安 亥白

鐵夫論文有直道下筆尋源不草草直將大雅望斯
人去疾攻瑕忽如掃語苛意厚世莫疑如此作者嚴
可知若非早辦淘汰手安能大沛江河辭塞草邊雲
暗山谷寒林蕭騷雨打屋四圍風黑一燈紅寫出秋
聲那忍讀塵中奔走多辛勤世間過眼皆浮雲廿年

師友傷零落孤抱重開更爲君

送新城王子文

祖昌

東歸卽次留別詩韻

仙人辭海嶠猶著雲霞裳偶從廣寒府乘風遊帝鄉下
招東方朔攬袂相翱翔歎唾間珠玉飛空墮我旁冷然
一稱善高嘯若鳳皇所談非世事冥心究鴻荒九夏困
炎暵覩子心清涼飄然忽告去采芝舊山陽後會未可
期浩歌天滄浪他時成大藥貽我庶勿忘

題張玄白過海圖

我生海濱不識海騎駝夜獵朔塞秋君家江水發源處
南極大海窮炎陬樓船踏浪一長嘯天海空明但清照

雲陰解駁日星出九州塵土此不到身纏坎珂遊逍遙
歸來筆底生風濤人生饑寒亦有味能使萬里如堂坳
我欲攜琴入煙霧乘桴直借蓬萊住金銀宮闕仙所家
惜君匆匆早還渡

草堂夜酌和蘭士二首

文章從古驗直諒感今無氣欲空千載心常奪萬夫如
君真可語此道不終孤醉裏忘身事升沉聽置吾
不飲逾三十因君輒把樽楚詞終託酒殷易首言坤脫
俗官何累憂貧士不尊秋空洗明月孤潔自當門

附原作

靈石何道生立之

四壁蟲聲苦幽居一事無結隣邀逸少高論愛潛夫
骨共秋風冷心偕片月孤形骸原土木於此得真吾
斯世真難得論文酒一樽千秋歸筆削一室有乾坤
語澹心逾熱身孤道益尊歸來寫餘興詩就又敲門
李四編修驥元示予所著鳧塘詩集點勘既了作
此奉柬

古人無韻學節奏皆天成猗邠商七篇留得大濩聲酌
賚及般桓象武所自呈至今昧其由誦之覺鏗錡自從
秦漢後元音失淳清託命一韻書學語空呶嚶可憐號
詩家不敵候蟲鳴於此講協律無異籥揣盲然而唐一

代首節凡屢更其故不可推作句柄有程君子法後王
取彼近易行趙洪譜聲調雖淺迺寔精比來盛小學專
務筆畫爭究之終牴牾審形罔辨名辨名劇鉤駟舌齟
相拒撐夸談亦何味聊欲欺愚氓吾儕不識字但取大
略明譬之擊壤歌寧期合咸英要須便於口較量孰與
生君詩有真氣激發從性情崑崙玉所都癡膩錯精瑩
良苗薈其稊無害爲稻杭顧惟吟諷間未能適鏗琤少
陵言句法具知頗經營韓銘樊宗師從順字有衡君誠
少加意和雅式鏘瓊過承弗遐棄邀我相題評黠勘附
此詩切磋志硜硜

附答詩

縣州

李驥元稱其

鐵夫筆如鐵點石石俱裂刪我幾處詩詩竟同玉潔
平生非李杜不在弟子列君登李杜壇改句果精絕
我詩由我造美惡本殊轍生無知已刪百世誰與決
昨者讀君詩渾淪元氣結錄寫廿餘篇劍光耿難滅
從今勉倡和君勿謂不屑

寄題武倦虛谷圖

示圖乞爲詩雪鐙語店屋未幾君東邁詩藁竟不屬改
歲一書來繚繞重責諾鄙人常好靜而久住輦轂每欲
逃空虛自是身弗學不然金馬門正可隱方朔君如邊

孝先大有便便腹是中所容納曾不芥五岳以爲天下
谿老氏講之熟長安萬人海濱鎮八州督作我逍遙遊
何處非虛谷豈必如圖中蕭慘寄邁軸

題朱嬰玉

孫巨

綉蘭圖

往居宣城靚紅陵山負郭紅陵蘭所都不異菊甘谷百
錢買一擔鋤畦如種葯其中雙苗者百本輒五六迺知
蘭在山兩蕊亦常族不登豔異編何況吉祥卜後來還
里門瓦盜別培蓄羅生抽一幹忽若鹿歧角等之曼殊
沙傳誇到戚屬然而我兄弟學行竟碌碌十年無所聞
如草踐牛足豈其花無知只視人榮辱朱君示此圖並

以緣起告謂言少小時太公親教督生平不獨自家中
有同叔攸敞與郊祁公嘗顧之樂是用作此圖寓意兼
褒勛求題所不辭舊事因話錄君今甚才敏應

制詩可讀友于自相師待價比鼓玉願將雙枝蘭化作
九穗穀出而瑞吾

朝遍濟民所欲樹德常務滋上爲太公祝下以戒朱君
芳潔身佩服慎勿負茲花而爲不佞續

爲伊墨卿比部

秉綬

題扇頭黑蝶

會上麻姑五色裙不隨仙去卻依人烏衣空自翩翩甚
芳草天涯夢裏春

重九日馮魚山戶部

敏昌

招遊法源寺及城南廟

院看菊歸與李鳧堂編修

驥元

飲魚山齋中作詩

紀事二首

古寺尋鐘繞徑斜，意行况有客同車。忙身正賴閒官好

一歲無如九日嘉。我輩學仙談到酒，殘僧離佛食于花。

探秋偶欲攜童冠，尺五城南路不賒。

時魚山子弟
五六人同行

出郭方知爾許秋，暮原煙鎖夕陽愁。荒鴉點點兼黃葉

折葦蕭蕭也白頭。讀書歸來重剪燭，論詩小坐又傾甌。

長安容易謀懽笑，清景追摹補紀遊。

附

和作

廉州

馮敏昌

魚山

梵刹行來日已斜林中幸有客停車肩輿吾豈同元
亮落帽君真似孟嘉十里晴郊尋白社一潭秋水照
黃花吟邊共喜身無恙歸路寧教興轉賒

徒聞宋玉解悲秋擬觀青蓮更散愁一笑還能共開
口今朝何不作遨頭泛來酒面花盈瓊沁入詩脾雪
滿甌此樂人生良不易何時佳日重茲遊

爲客題紅拂虬髯圖

姝麗非紅粉英雄每道塗始知天下士不是瀛洲儒

劉澄齋舍人

錫五

見示所著借園詩藁點勘既了

奉柬一首

堯典一帝紀不過五百言下武章四句功兼祖曾孫古
人尙體要見道語不繁晚周莊屈徒謀篇始瀾翻二生
所操異其心各煩寃渺矣吉人辭論世盛衰存君才泉
萬斛導源自崑崙始焉觴可濫奔流破龍門觀者一望
洋稽天浸無垠雖然工削墨規矩統繫尊文明止於賁
此義聖所敦豫章入斤斧飛構虹梁鶯琢磨萬金璧廟
朝薦清溫杜韓極嚴謹風騷還本原吾生亦坐此同病
迺見垣相將事刊落庶以尋靈渾

題余秋室贊善

集

畫麻姑爲同館汪君

桂

母夫人

壽

飛霜不止麻姑顛逍遙太玉清虛天積雲三角垂鬢蟬
手摘旗翼裝金鈿星辰滿戴如珠蟻紫羅羽裳錦帔偏
長爪却伸鉤弋拳呼龍耕煙種芝田九光三秀餐新鮮
丹成泥檢啓秘鍵邨能竟向蓬萊眠不肯掃花王母前
青鸞蓋引白鳳駢狡獪喫雨彌八埏蔡經遭之著神鞭
羅浮離合峰連緜啞虎巡山守靈塵裂裙一笑蝶翅翹
化爲周也蘧蘧然下遊人世憐夔虻世人猶喚南華仙
天台洞府仙扉堅絳桃吹紅歲三千胡麻爛熟鍾乳懸
月宮飄杵霜搗元花前劉阮逢嬋娟麻姑於人信有緣
風輪持世同鞦韆東華臺上無僮伶早衰扶杖嘲彭錢

婦王雌甲粲六妍女貞花開銖袂聯夫人南嶽珠綴纒
卯妙俠侍羣差肩玉樓十二空天邊珊瑚碧樹交琳櫺
遐哉無路通精虔不如麻姑往來便寫取便到秋臺巖
天都靈威地絡穿婺源光燭寶婺躔有母象服顏如蓮
介壽舉觴辰吉涓烏聊白岳圍綺筵孫曾羅拜矧瑜璣
當筵捧進藕如船交梨火棗紛闐駢羊珠麟脯供加籩
瓢傾天漿瀉流泉畫鼎篆紋爇龍涎雲璈樂奏雜管絃
麻姑珊珊至何翩羣真導從來朝焉麻姑之年皆母年
玉笈雲敕金書鐫春暉長自壺中延我爲王喬探天先
哦成七字蕊珠篇以往壽母知母賢

李介夫編修

如筠

見示所著蛾術齋集並承惠詩

次韻奉答

人生但飲食何異蟲有蟲好文不好學吾儕病亦痼此
心如穀種直養要糞護當其勃然興自覺撥爾怒風霜
剝浮僞雲夢恣吞吐俗疲氣節銷儒懦趨向誤君子甘
瓦全小人幸塗附工將揣摩心出作婢媵具得時相鬻
賣失意互嫉妬薦寵忽驕矜困窮多遜懼道衰文不章
無所載之故吁嗟往聖祖志士入夢寤可憐韓歐生不
抵衛霍遇不遇良可悲而竟誓不顧詞句今流傳警歎
儼接晤譬諸雷出地晦霆不能銅士欲爲文章職先崇

志趣鄙人蛙蹶泥安將追虎步鄭重尊昔聞孤危闇時
務全盡一瓊存鐵錯九州鑄汗潢學爲海羣流勢不赴
行年三十九蹉跎容色暮讀君一卷詩見志妙託賦警
拔如有神橫鶩皆式度縑山露厓窵摩霄豁雲霧屈指
天下才嶽瀆自有數傳觀顏高弓著手竊驚怖誤蒙就
商權問盲僂管輅驂騶萬里心覘諸氣深固能從性靈
求猶傾河漢注堂堂古賢達將子共登路

附
原作

大庾
李如筠介夫

讀書無解人如墨但飽蠹交友不聞過如藥不療痼
近世悠悠交有短惟工護一人倘忠告受者言色怒

豈無可否心箝舌不敢吐甚乃論違中面諛滋之誤
曰唯而曰阿百口同聲附靜思致此由切劇本無具
世人忌勝已相欺率相妬齒頰怨所叢又爲隙末懼
謂譽可全交故者無失故吁嗟友道衰美疾誰先寤
我耳王郎名願交已神遇但取論斷斷德怨匪所顧
攜我一卷詩有似形骸晤言之愜我心一一啓愚錮
詣力殊淺深所尙本同趣我初學昌黎不工邯鄲步
好險非敢云去陳真所務徃徃造艱窮頑金未鎔鑄
雖云思苦深其實力未赴剝啄叩君扉接膝至日暮
首談緣情詩次及體物賦舌本如瀾翻動合古程度

此特豹一斑其全尙隱霧驤壇健者誰吾眼青有數
逢君免胄趨敵大敢不怖餘子飾虛車不覩椎輪輅
君抱渾樸器存之重以固一發浩無涯譬彼持源注
努力爲其難憑君導先路

次韻答船山邀同硯農蘭士小飲之作

何山大小袖常攜恰又詩人到瀼西連巷步穿莎徑曲
短僮身比菊花低畫叉舊例錢論塊官印新沽甕破泥
吾輩有情真學佛不須著相問輪膂

同年孫淵如刑部移居索詩四首

夕陰街上頻移具履道坊中又舉觴相宅孫陽如相馬

不從井竈泥驪黃淵如方習形家言講求相宅之法

種得櫻桃欲傍樓人言花底不知愁孫郎日日當花生

卻向花間白了頭所居曰櫻桃傳舍舊為歌郎陳銀所居

鏡檻書牀位置工微蘭夢好燭花紅阿儂自繡張仙像

此處京焦未有功淵如新納姬

硯屏書几又茶鑪昏閣重看雪色糊得意歐陽舫齋記

索書火急累君謨

十月五日何硯農戶部道冲家延庚編修蘇張船

山檢討問陶李介夫編修如筠何蘭士工部道生

結課作試帖詩集方雪齋子齒最先述事抒懷感

成二首

玉堂天上那能登，卻此追飛感鶚鵬。舉世功名爭夏謨，
吾人情味在秋燈。鴻辭題自前賢備，準格文須後輩憑。
莫便嗤他聲律事，科場原未沒歐曾。

碧桃花落夢如煙，壇坫銷沉十幾年。黃土青雲餘感慨，

擘橙鬪酒亦因緣。諸君正似追風驥，如我真同上水船。

今日公然成首坐，坐中慘綠又蒼然。十年前家居與張

堂諸君共結碧桃詩，課最後乃得。延庚今延庚在翰林，又稱前輩矣。

附 和韻

送寧 張問陶 船山

漫將雲路詡先登，儘有神魚未化鵬。七寶愧無修月

手一經猶戀讀書燈非關結習除難盡還是文場事
可憑莫厭眼前壘煮飯萬錢從古笑何曾

醉中伸紙墨如煙疎懶無如此少年敗筆一揮聊快
意初心不負且隨緣仙山易養環瓊鶴急水難爭上
下船或有孤寒猶待我冬烘遭罵亦忻然

江陰

王

蘇

延庚

西爽迢遙未一登扶搖還讓北溟鵬逢人都作宣明
面結社誰參智慧燈刻楮辭華寧有益懸匏身世轉
無憑同年老去如兄弟

謂湯甫

競爽依然羨兩曾

謂硯農蘭

士

橐筆同吟柳墅煙

曩與楊甫同於天津之柳墅

召試

蕭疎潘鬢又

中年風花過處都成幻
香火隨時且訂緣
入夜夢魂穿雁塞
先春心事過江船
寒牕一例填行卷
銀海光搖意惘然

大庾

李如筠

介夫

承明幾輩後先登
九萬風培養翮鵬
似我尙分藜閣
火怪君遲見曲江
燈歲寒杯杓知心
共命達文章俗
眼憑接席呬唔成
一笑秀才生活記
吾曾

六街車馬走雲煙
悔不名山更十年
仕宦幾人談舊
業
友朋如此亦清緣
論文各有珊瑚網
賭酒同傾藥

玉船識字不多真汗背魚蟲豹鼠總茫然

靈石

何道生

蘭士

騷壇拔幟怯先登尺鷃無心校大鵬官冷聊爲溫卷
學身閒頗愛讀書燈性根鴛鴦鈍猶堪策宦海升沉未
可憑準格文章前輩在誰將規矩繼高曾

諸君落筆總雲煙愧我才疎最少年墨水預愁眞可
飲題襟且喜得隨緣胸懷誰拓千間厦身世聊浮一
葉船却憶青袍秋賦日風檐况味尙依然

楊六士員外

夢符

卜鄰於此兼以所著詩文集示

予索贈

同巷二何還一楊步履來往常相將王翰卜鄰舊佳話
楊朴移家昔賢畫君今不畫惟索詩詩癖較病尤難醫
時六士病甚索詩不與問不置却送珊瑚夜光至文章自許
韓陵石欲向東京尋轍迹肯隨籍湜學古文竟持盧駱
當時格詩思恰如風入松灑然入耳鳴絲桐清聲悅魄
致幽渺真氣著昏蟠精雄樂府篇篇是新唱果出西涯
鐵崖上望今騁路得未有希古縱心取極暢燈牕開誦
愜我眸自把栗尾鈔其尤微雲疎雨亦常句中有一髮
天邊秋數番瀏覽未能罷一月借留當勿訝朝來病肺
復如何莫更鐫詩損太和豈惟詩可竟不作身外一官

良碌碌浮雲疊變空中態明月迴光夜深在保齋精神

養壽年眞人大藥塞其內

六士得此詩卽日自告解官未幾旋沒

送胡太學

翔雲

四絕句

三年浪宕鳳城秋日夜歸心江上舟趁取小春江驛暖

又隨明月到揚州

揚州近有曾公亮

謂賓谷

能引詩人伴詠梅爲見吳均

謂蘭

雪相問訊如何不寄一詩來

青山一髮接烏聊雁後人歸路未遙攜得贖行詩幾首

家園燒筍過花朝

偶然名字寄齋郎太學何蕃老擅場秋賦重來知不遠

紀行好句滿奚囊

鄉人方次宣

城

自湖南寓書索題豆花山居圖冊

二首

拓落京華住傳來楚客吟鄉關沉遠夢水墨寫秋心
圃風霜閣詩書歲月深何人登此味荒穢竟山林

草木嵇含狀蓬蒿蔣仲居故人曾過此老屋比何如爾
尙遲歸楫吾今欲著書他時豆棚下清話夜蟲餘

祝大令

德全

母夫人苦節詩

從來節婦傳足困文家筆事辭類相同茫昧辨甲乙惟
其子榮賤稍稍異始卒或爲苦節貞或爲甘節吉斷以

良史才絜之古文律但當爲合傳系表綜儔匹有倫還
有要不冗亦不軼其間絕殊者特筆與紀實商周詩三

百柏舟篇祇一聖人發幽潛舉一該大率然而人子心

願有姓名述卹緯人所同有美譽之溢堂堂太孺人貞

操式尹姑教子已成名華裾備朝秩請旌克如制綽楔

照蓬華舉世羨其榮艱難獲休佚雖然人間世榮賤烏

可必當其畫荻年寧計簪蒙日設使竟不然孺人非所

恤弗爲風霜移廼見松筠質所遭幸不幸何與心如壹

過李石農比部

鑿宣

砥石山房見壁間懸儷梅笑儷

山畫梅一幅愛其筆墨疎秀石農因以求題

寫梅得梅影墨趣生花趣領取歲寒心卻在疎疎處

臘月二日李東標

祥鳳

過宿山房爲寫山水障子

衰成題句

十日一水五日石王宰從來惜真迹我識李君今十年
始肯爲我留雲煙九衢雪後車折軸過我山房夜投宿
燒燈含墨坐纏絲畫成無酒共喫粥與君俱在塵埃中
尋常瑟縮鳥就籠忽然興到一揮肘江山萬里原清空
各有家山五湖上何時布襪從疎放飢寒容易辦歸裝
蒼茫且對青松障

李惠時

秉德

歲寒三友圖

臘鼓冬冬又報春十年無恙歲寒身憑君寫取風霜色
伴我書窗擁鼻人

癸丑歲除

天涯又此舉椒觴京國流連十載強文債較於錢債劇
新愁恰比舊愁長中年兄弟頻離合時舍弟聽夫在京四海交
游幾輩行古語龍鍾三十九回頭身世轉蒼涼

淵雅堂編年詩藁卷十一

淵雅堂編年詩藁卷十二

長洲王芑孫念豐

甲寅

四十自訟三首

共此一日月芸生閱晷晷或爲草木年或與金石壽修
短自在人天非異所授精神驅化原造物理不囿古稱
三不朽惟汝所欲副汝今四十年一身叢百疚區區賤
與貧諉云天弗祐名德之不昌此責當誰究學問荒於
嬉生平工自省悔過不肯悛旋悔俄而又藝業不爭新
景光亦增舊半生足饑寒四支日疲瘦茫茫天地間六

鑿相攘闕將謂可以需不知時已後

小弁舉我辰離騷述初度堂堂韓與蘇箕斗推命數傍
徨憂患身悲其始生故世人作生朝不知義何附汝今
四十年逢世多詬怒雖由人巧詆汝寧無一誤古今諸
賢達非無久不遇當其不遇時樹立固已素

朝廷甚需才英髦滿霄路周官三百六汝今欲何據不
知烏雌雄開口講時務衰親闕升斗故妻未入墓身家
用不周諒無濟人具烏虜書至此氣結復誰語

四十而無聞其文必非奇四十而見惡其行良可知齷
於士流中飾爾顰睨辭一息苟不續螻蟻來食之汝今

四十年把玩堪幾時卽令大富貴磨滅更可嗤卽令長
壽考所爭早與遲及茲頗強健而不刻勵爲汝今不如
禽其羽可爲儀汝今不如獸死豹留其皮文章但浮華
於世無所施經濟號爲實遭逢蓋難期身心性命間庶
可默默治汝如不自治老大徒傷悲

上元詩龕宴集分得鎖字

人日先從詩客游

正月七日詩課
集家蘭江齋中

上元復闖酒人坐古

之吉語宜酒食我此隨緣無不可詩龕酒令殊不苛獨
有催詩急於火龕中插架書萬軸席上藏闌花一朶爭
籌互角勝還負遷坐渾忘右與左我時不飲居衆中兀

如猿狙攫盤果城南道遠不可留屢視日影問則郡主人固請客固辭金吾禁嚴門欲鎖

爲李運使

世望

之孫

存厚

題梅窩圖二首

馬鞍山下路縣郭似邨屯猶記梅花館會尋半蘭園舊
遊空夢寐新築又邱樊畫裏看風景琴尊想宴溫
田有生孫稻池多挾子鵝平泉花木記盤谷壽康歌雲
影湖邊屋風流洛下窩老梅三百樹一樹一吟哦

送楊西禾進士

倫

之任江西貴溪縣

大雅久不作文人抑何衆考辨生異同譚詞日高縱家
家說康成字字證叔重粉蝨豈知書醢雞不離甕舍是

言性靈聊思慙吟諷昔軌均破除天姿自娛弄闖然偶
一得語道若占夢皇荇調翻新賞譽取易誦二柄互短
長萬蟻鬪誼鬪東南幾名流君才吐白鳳生平頗識字
不作楊南仲謹嚴宗杜韓離合審唐宋循循法律中規
矩高曾奉驂騮氣深穩崑崙入鞭韉作令古所難斯民
寄疾痛以君論文心求瘼鮮不中會看江以西袴襦起
謠頌識君無幾何披懷各空洞未諧硯席權及此國門
送屋梁千里月別後依然共因風須寄書無勞數分俸

奉酬鐵冶亭侍郎

鐵保

見贈二首

禮秩南官峻書名北海如江河迴手腕風雨一呼噓墨

義嘉隆後詩情沈宋初諸生遍霄漢容我到門疎
鄭重明珠贈慙惶做帚辭如公多古趣吾道正當時世
服和凝鑒人言王湛癡小軒題項脊甘老讀書帷

附
原作

滿洲鐵保鐵卿

我識鐵夫久鐵夫鐵不如公卿容倔強朝野謝吹噓
雅量軼流輩遠懷探古初未須繩禮法名士本蕭疎
高談驚末座白眼竟何辭見此不羈客憶余未遇時
天涯誰古處吾道合書癡莫墮千秋業匡居好下帷
鐵侍郎收得歐陽公所藏南唐官硯法祭酒拓其
文裝冊求詩爲題四絕句

掌故曾徵硯務官隨身六一共盤桓如何家有千金璧
邠道紅絲是甲觀

黃羅團扇錯金書句子銷魂勝國餘一髮江南山色在
銅仙淚滿玉蟾蜍

東海經今幾種桑重教著錄到文房推排七百餘年後
纔遇人間鐵侍郎

金石文章好古懷便將瓊拓當詩牌不知今日詩龕裏
集錄何如畫舫齋

題魏春松比部

成憲

西苑校書圖二首

世外琅嬛宛委天邊玉宇瓊樓掃葉書皆綠字判花筆

是銀鉤

夏課昔年燈火秋官昨夜星辰記取神仙職掌寫來圖
畫清新

論書絕句十二首

有序

暑雨閉門瀏覽舊人書帖因取近世書人之能自立家者各系一詩外此不甚烜赫及與諸家師法相同者概從闕略非欲等之自鄙亦謂此足以該之云爾

書派雲間萬手同居然晚出號宗工憑人自說歐虞褚
辛苦爭長待詔中

沈繹堂

褚法千年竟渺茫內家花樣總香光同時姊妹穿鍼會

自把天衣繡鳳皇

汪退谷

不是評書白石生湛園文骨抑何清臨池也有珊瑚意

緱嶺孤吹鶴背笙

姜西溟

細骨輕軀掌上身纔勝羅綺不勝春翻腰貼地蓮花舞

未許驚鴻擬洛神

陳香泉

老向虞山護一燈渾忘十地與三乘本師只授毘尼律

好個香嚴粥飯僧

趙秋谷

鍾王已似佛毘婆歐褚傳衣是達摩親向祖師承半偈

銀沙珠樹見彌陀

何義門

峭絕鉤心一卷文
森森武庫到書裙
江河萬古歐陽在
此道中興倘是君

王翦林

書禪還比畫禪工
龍象莊嚴末法中
十萬天魔齊匍伏
可憐祇是大神通

張文敏

元暉迴不逮元章
老厲當初果擅場
曾見琉球箋一幅
河南墨法極清蒼

厲文恭

結想蓬萊院一區
仙家日日守丹鑪
金沙夜半偷丹去
藥殺人間萬李予

汪文端

舉世都將細楷推
崎嶇薄宦托煙煤
堯峰板本參分布
卻自黃庭得法來

林吉人

寶笈珍函筆有靈張參校定作儀型正宗幾句傳孫訣
此是書家本行經

蔣湘帆

題怡親王世子與其客舒

夢蘭

合寫槐陰清話卷

子四首

玉潢流潤接青冥卻有仙楂帶客星因話錄中徵故事
湘東王賦獻王經

綠槐散暑午陰多掃石攜賓一嘯歌茶話中間詩話在
只無餘夢到南柯

小山承蓋足清娛金管書成集衆儒授簡更知宮體好
施肩吾似庾肩吾

年來我亦竟遊梁看畫題詩默自量此處不如還一笑
尚隨舉子趁槐黃

次韻酬牟孝廉

應震

文章至韓子學問如晦菴今人妄詆譏橫鶩恐絳驂從
來絕續交儒者身荷擔孰能棄瑣碎一氣成該含江河
地中行經絡十二三目前凡毀譽長風掃煙嵐此意久
落寞當朝幾華簪鰥生賤且愚槁死誠亦甘饑寒奪其
學淺嘗未能酣幸無持世責難免反躬慚讀書常爛漫
翫物同奢貪茫茫後賢心宵宵古籍探一笑千載憂吾
壽非彭聃君今白髮鬚惠子接深談不謂筋力衰猶欲

道藝參君詩學昌黎好專思亦覃自言雄直性未願風
華航此如辨星文已識斗北南更能稽典訓自然富淵
涵譬之蒼松脂異彼香草穠

附
原作

樓霞
牟應震 寅同

昔遊明聖湖月下逢直菴

王考功
寧焯

今逢直菴友並駕

馳兩驂示我散體文萬石肩雙擔雲夢氣吞吐須彌
芥包含歌詩更雄俊韓杜蘇而三往往從虛空幻出
青紅嵐量才有八斗儲家無一簪妻兒庇人宇懸磬
情所甘豈無捷得技可以謀飽酣古人不由徑有志
期弗慚潔已不求餘獵古不戒貪人事詩書備天心

篆爻探百家紛搜羅不遺曇與聃盛名居輦下捫蝨
縱快談王公爭倒屣不肯勤拜參所友何李輩論文
共研覃相勉皆性命而非風月號一隅爲余舉指路
辨朔南君室如芝蘭入焉澹相涵歸來坐三日襟袖
香穠穠

馮魚山比部以懷寧余伯扶

鵬年

所作曹州牡丹

譜求題三首

當時曾得赤霞書

吳江史善長

書裏蟬聯說二余今日題詩

牡丹譜思君已是十年餘

閩中故事徵茶錄吳下新聲唱橘枝我似樊遲思學圃

齊民要術與君咨

豐臺芍藥絕堪憐誰與搜羅補鄭箋吾輩長安空索米
負他花事一年年

寄酬郭頻伽上舍虞二首

郭公人中布見之十四五細瘦一白眉挺出在儕伍天
駒偶墮地不識世有虎閭左數賢豪君如目無覩情親
獨鄙人商量到今古私念材輪困誰當試斤斧妄欲少
折之十問九齟齬觀君雖弗言嘗藥亦憚苦違隔十年
餘書來心縷縷新詩絕驚邁眞力非鼓努揮肘驅蛟虬
五嶽一風雨讀之數日喜傳夸遍學侶

詔恩屢開科英髦歲騰舉東南諸少俊相次登官簿烏
虜真象犀埋沒肯泥土

吾人例饑寒舉世好軟熟聞君當北上春糧早裝束長
安冠蓋交流水走車軸窮士裸身來一飯須館穀貴人
極難事素交鮮厚祿有名召瑕疵無譽遭嗤薄烏虜萬
人海俯仰乃谿谷吾此久滯留舉動甚碌碌自溷太尋
常已令衆指目不勝凡毀譽終未見收錄豈嘗病狂易
果與人忤觸不過拜趨疎未慣頭項縮此寧與人殊已
似天下獨倔強塵埃中朱顏老蠶粥君來監於茲利鈍
行可卜

附原作

吳江郭麐題

一別十年久三秋兩紙書飛揚猶意氣才命定何如
說士甘於肉依人食少魚可憐天下士亦復曳長裾
獨有千秋業非由一第傳男兒從墮地此事不關天
作者思身後他人怵我先流霞如結佩延首乞飛仙

寄徐朗齋嵩

四海誰交舊思君一惘然好名猶昔日爲學已中年昨
有江南訊聞登漢上船何能久干謁歸守讀書瓊

附前寄詩

金匱徐嵩朗齋

昔年有李杜佳句以齊名奮筆響龍虎飄蓬如弟兄

嗟予後千載與爾亦前生疇逐饑寒出相逢門第清
目光巖閃閃膽氣鐵錚錚震澤波濤壯燕臺雨雪行
賦詩三殿賞文戰一軍驚豈料醯雞舞終傷鹽驥鳴
去留俱失意離隔寡懽情學佛未衰晚求仙難早成
南山舊松鞠隴畔好歸耕

題劉朗亭孝廉

焜

石室安禪圖二首

文章海岱舊名家

孝廉爲故雲貴總督藻之孫

玉立長身氣自華却

向圓蒲尋本相水流山響見毘耶

不持瓶鉢不鐘魚石壁蕭蕭木葉疎只恐累君成佛後
要君押字到中書

科名也是夙生緣未辦還山更幾年且共長安分芋火
書禪小證又茶禪

宮館課試之法廢久矣比者與諸同舍力行興復
作詩述意并示諸生四首

真人起東方羣生一雷雨豈惟弧矢威開基備文武天

聰崇德間秉旄誓貔虎猶聞試儒生軍中創科舉

開國方畧

天聰三年試儒生取二百人八年合試滿蒙漢人取舉人十六名崇德三年八月

賜舉人羅碩等十名

授牛錄章京品級一二三等生員十八名授護軍校品級此爲八旗科第之始泰平百年來

累朝煥承緒矧茲

壽昌辰光華日當午從龍諸後裔收養在庠序復開廣

文館絃誦依

清籟先資許入官

凡官學生例得試一
爲中書筆帖式

一

例邀頒精

籍於學者皆
歲給銀米

有邵周室家新豐漢鄉土未聞

其子孫別見有鼓舞於戲我

朝厚此

恩殆無古

周列上下庠復設門闈學公卿大夫士國子罔不屬下
逮民間秀俊選造殊目大學公宮南地親見樂育東漢
明章間四姓別其族別置諸師儒專課小侯讀於唐爲
四門與太學分局趙宋咸平中宮學始著錄然皆宗室
子沐澤但骨肉

國家監古精異同參輻輳

賜爾中秘書

館中貯有官書

啓此門右塾

今館在安宮門之西

咸諸生善

自愛慎勿負因篤

掌故崇

本朝教習今有四宗學左右翼鄂朮照親懿庶姓隸八旗辨方依位次景山居 禁庭

聖祖累褒異其選雖稱華獨有包衣至 咸安地親密

憲皇所特置師儒簡其良甲乙科乃界

他教習皆參用貢生惟此用進

士進士不足乃及舉人

生徒拔其萃滿蒙漢咸暨

舊例選他學之俊者入此不論

其爲滿蒙漢軍

翰詹分月試

翰詹六人分司月課

公卿迭臨莅

常以重臣領事不

限冠與童

外學有限年之制此不用

兼取射而騎

別設繙譯弓箭教習

彙訓典周詳城闕音誰嗣諸君各人師黽勉以身示

文學比卒史百石漢家秩日費太官餐課試當責實興
廢常以人整頓諒有術英英諸少俊榘楠有其質誰能
沃本根遽使拔地出鯁生情無知詞賦偶涉筆猥蒙
上親擢寵獎媿非一生平好譚藝至是轉汨沒默默送
流年濫竽感操瑟相公理條教侍郎勤董率委曲導諸
生振厲及此日猶恐異初終丁寧申告述

張孝廉

振德

屬題吳山尊孝廉

應

畫桃花二首

仙扉春影露紅鮮昨夜風開到筆巔聞道倚雲還有樹

二君分折向天邊

我自長安老曳裾紅塵撲面十年餘題詩那有生花夢
只想春江釣鱖魚

題李墨莊舍人

鼎元

登岱圖

生平五岳未登一枉自奔走天之涯觀君登岱圖一幅
想見拂袖凌朱霞君才合住蓬萊境辭却蓬萊登岱頂
日輪五夜湧天光雲海萬重沉幻影歸來只覺身如葉
依舊官中再投牒傳誇朋好索題詩收取烟雲在遊笈
索詩幾度煩催促嗟我朝昏困歷碌登岱一詩猶尙爾

饑窮况論遊山福

李介夫

如筠

雷筠軒

維需

雪中見過遂飲硯農蘭

士齋中

雪與故人來比鄰酒一杯數公吾有託當代幾清才賦
好誰如李琴長合問雷高歌窮餓裏日暮此金臺

酬同館史恒齋

炳

枉贈之作

元家八十一易卦六十四奇耦相乘除道與數兼示六
藝先士遊九章聖王制無人不知學能者本末備漢家
崇識緯天人亂無次隱約說灾祥闔于資竄僞班固詳
藝文商高愁遺棄固豈惜無聞論世想深意後王禁斷
之數學從而隆宋并絕其傳禁習天文事句股既莫精

槃筮皆虛擬每當里歲差輒闕師儒議利氏從西來日
月一軒輕所稱歐邏巴實有創物智古今異疎密疇人
用參廁我

朝梅定九讀書甚鴻肆入室操其戈登壇張我幟悉將
外方言傳以經生義此學大昌明條條見門類吾年十
七八暴虎作兒戲上索六符書旁求五行誌甄鸞趙嬰
徒幾輩歷探試罔知鬼料寡徒自神愕胎弄丸須手傳
何況此淵秘生平怕數錢記數昧一人大笑忽置之履
闕恐顛躓君今遽披豁此學當有寄小夫多泥古好與
漢儒比此事後勝前萬古化蟲臂堯舜居此時必學

聖清治堯典授時言塗改無一字何古之足援映若劍
首吹並世有一孫謂淵如文章致覃粹亦頗講天官無奈
漢之嗜今君惟務實精神况英鷲首途審所從河源溯
必至枉詩一何長譽我口不啻慰勉君或然慚惶我無
地因之報此詩亦以堅子志

附
原作

深陽
史炳恒齋

嘗聞王鐵夫天下工爲文又聞其人狂逸焉苦難羣
惜我窮鄉士末由接餘芬其文與其人念之腹轉輪
顧我念其人較文意尤殷文吾有六籍下逮戰國秦
漢唐宋作者子史集燦陳乃其人已矣九原安可親

所以欲尙友先友今之人以今人證古警教如晤眞
烏虜中庸鮮其次狂獍民而世之狂者肆蕩或不分
餘人又惡狂一例加笞髡今年見鐵夫杳若秋空雲
寧知久俱化冉冉幽蘭薰 官館每深坐吐論萬壑
奔擊虞善流別許劭擅人倫生平好宏獎薦寵勞齒
脣將謂斯人狂名教自束身謂斯人不狂逸足時絕
塵四十不見錄徒以詞句聞示我兩大冊如獲連城
珍拳石見嵩華長河溯崑崙山川出雲雨精氣相細
緼我本鄙小儒未問通方津然而讀其著如酒酣氣
振曹邾從晉楚假以張吾軍所恨兔園冊埋沒頭上

巾藝圃偶涉獵荒蹊漸蕪榛顧念沒世名慷慨含悲
辛相期畢身事著書江海濱

歲暮自述二首

鎖廳暫得放官身隱几功夫暖炕春俸借半年剛卒歲
有詔許朝士借俸半年雪深五夜又侵晨兒常逃學姑從嬾婦畧
知書又善貧豈獨吉祥虛室領桃符門帖一番新

有車不出况無車客倘能來亦聽渠隔巷數君頻置酒
打門一輩只求書詩從變格人稱好文到新科我弗如
也欲送窮思媚竈孫登諷日避孤虛

淵如每過予輒謂余置竈失宜將以開歲移之

附

和韻

江陰

王

蘇
蘇儕

濩落生涯自在身東華寒盡不知春人多冷面憎辭
歲睡到甜鄉厭向晨兄弟有情同茹苦友朋相守只
長貧昨宵門外添車轍喜見天街雪色新

無奴解縛送窮車清俸先分自石渠守歲何須逃宿
債迎年還可買新書殘煤屢撥寒依舊熱竈爭求媼
不如多謝同年相問訊紅牋寫句對窗虛

遂寧

張問陶 船山

養閒忘我是官身草木敷榮過一春歲盡方知虛日
月夢中久不辨昏晨清羸未必因詩瘦喜樂何妨爲
酒貧退筆如飛刪舊債明年書券又重新

有婦猶堪話鹿車
齏鹽終歲總憐渠
宦情落落雲中鶴
鄉夢遙遙劍外書
俗物敢來尋阮籍
富人還欲數相如
祭詩燒盡牀頭藁
笑看奇光燭太虛

江寧

王友亮

葑町

簿書叢裏小抽身
殘臘將除及早春
乍喜擁鑪過雪夜
免教踏鼓趣霜晨
官緣耐久翻成客
俸許探支卽療貧
稽首堯天真樂事
頒來甲子一周新

隔巷新晴好駐車
良朋相見輒軒渠
中年多病先祛酒
短日銷閒更藉書
高第推君才可必
狷官祝我願能如
打門莫怕尋常債
看作浮雲度太虛

靈石

何道生

蘭士

暫從忙裏掣閒身，領受書城酒國春。坐督咿唔消永

晝

時方課諸子弟讀書

臥聽更鼓罷侵晨，卅年漸近心猶穉。萬

卷難窮學太貧，屈指長安成小住。歲華已見廿番新，
天邊無計挽羲車。跳躑雙丸一任渠，連日驟寒宜置
酒。有時小醉便攤書，自知疎懶山樗似。頗覺空華爆
竹如，誰識比鄰同調客。靜拈新句夜窗虛。

大庾

李如筠

介夫

翰林風月最閒身，三十年光荏苒春。豪興未除伸帟
候，醉懷難遣放花晨。屢遷蓬室何辭陋，百穫書田不

救貧錯被旁人推賦手已輸後輩發硯新

王郎門外數停車儕輩文章俯首渠白酒有時催短
夢青氈留得伴殘書齏鹽朝暮古亦有師友闈房人
不如莫怪甕中陳粟盡先生虛室本來虛

介休

劉錫五

澄齋

人海蒼茫泊此身勞勞十有五番春難遮蛇尾奔尋
壑憤聽雞聲舞向晨指數科名眞覺老料量詩卷未
全貧王郎唱絕陽春曲逗起愁心爾許新

雪深三尺沒行車凍折梅梢冷尙渠全減風懷因忌
酒半支月俸且添書天涯芳草愁將晚宮錦新花愧

弗如餽歲不來門似水紙窗竹屋最清虛

寧化

伊秉綬墨卿

好是金剛不壞身高堂寒盡又逢春

時家大人諸曹以病在告

封篆閒彌月鄰寺聞鐘省向晨夢到煙霞原有癖用
饒文史未全貧屠蘇餞臘香熏夜正放盆梅一朵新
門外長停長者車坡爭上下付軒渠都因介壽春爲
酒偶學齋心夜廢書內帑頒金殘歲度中庭積雪小
山如明年觴詠從頭算肯使花朝月夕虛

附元日試筆用鐵夫歲暮自述詩韻

錢塘

吳錫麒

穀人

五十年華客裏身梅花誰寄一枝春
油燈焰小偏通夕喜鵲聲乾強報晨
易過江山遊子夢相依風雪故人貧
平安卜向琅玕竹白髮天涯綵勝新

力士爭思挽日車凍流早望活春渠
料量鬚鬢愁看鏡閱歷齏鹽愛讀書
名刺往來聊復爾門符新舊較何如
今年眞起文園病

謂鐵夫

綵筆先煩賦子虛

海內求書者日至明年將不復應作詩斷之並以

自嘲四首

書好何曾換得鵝退豪滿甕欲如何思量也積今生孽
狼籍人間字帛多

粗疎欹倒不求工聊耗雄心一臂中
客果知書安取是
苦教磨墨累家僮

偶將煙墨遺簞瓢夫婦饑寒不自聊
好笑世人依樣學
一時都要作去聲文簫

書淫半世卽貪癡四十頭顱事可知
文采風流俱脫落
從今學道未嫌遲

家延庚蘇除日見過

債不到貧身今朝我兩人齋廚偶魚肉
衢巷自車輪孤
賤交遊少文章遇合眞吾儕
有通塞明日歲華新

守歲漫成

轉從寥落得清閒餽歲虛文各漸刪難鑄黃金留白日

且燒紅燭照朱顏翰林話久寒生榻

謂延庚

水部詩成夜

叩關

蘭士和子歲暮自述詩至

鳳紀來朝周甲子慶霄

綸綉又單頒

乙卯

孫淵如同年屬題倉頡造字圖

天下講說文而我不識字把君造字圖援筆一兒戲自
從頡籀來書體幾同異今人爭點畫天地入蟲臂可憐
無字處傍徨聖心寄小學漢十家中無稷高地我今記
姓名但欲趨省易濟世事尚多功民艱飯糲饑腸試諷

書學童諒不至君當出司牧此學盡姑置

閏二月廿八日孫淵如刑部

星衍

招同毛海客大

令

大漉吳穀人編修

錫麒

張亥白孝廉

問安

張船

山檢討

問陶

徐朗齋孝廉

嵩

徐心田上舍

明理

小

飲寓齋寓舊爲歌者陳郎所居淵如因用漢瓦文
櫻桃傳舍四字顏其室船山朗齋卽席爲圖同人
作詩題後予亦次韻是日有雨

櫻桃纔謝牡丹栽富貴花從席上開

有歌伶名富貴者今在淵如所

借漢文摸倒薤客攜阮屐破蒼苔酒人情味杯深淺柳
絮因緣夢去來作畫題詩同剪燭雨窻殘蠟淚成堆

附原唱

錢塘吳錫麒 穀人

小院櫻桃記昔栽先生今日又尊開
驚人風雨如飛葉入畫江山只點苔
前事不堪因酒說此花曾折下
階來一番春絮催離緒已換西天雪
幾堆

坐中毛海客談從征

廓爾喀時爲大雪所壓事

附
同作

寶山毛大瀛 海客

文無小益手親栽

時坐上荷包牡丹

又見櫻桃一樹開
粉署

暫移門列戟綠鞵已去院
侵苔燕雲忽逐秦雲遠
新雨還同舊雨來
留取畫圖傳韻事
莫教棄擲亂書堆

遂寧張問安 亥白

櫻桃去後丁香結如寫春愁向雨開名士多情眷雲
樹故人隨意坐莓苔清尊似海量難盡幻影如花期
不來篋裏紅綾餘幾束庭前蠟淚又成堆

遂寧張問陶

西蜀櫻桃此地栽

陳郡西川人

繁華曾爲幾人開新枝尚

繞三重屋舊雨難尋半畝苔擲果還思縈手處解頤
可爲說詩來自慚墨戲酸寒甚不稱當年錦繡堆

金匱徐嵩

明齋

長安芍藥記同栽又見櫻桃幾處開僊館琴尊憶紅
燭夜階風雨長青苔客聞花氣厭厭醉燕認雕梁故

故來最是省郎春宴集好攜赤玉滿盤堆

吳縣

徐明理心田

此花端的是誰栽曾向春風幾度開滿院綠陰藏翡翠一簾紅雨長莓苔畫圖掩映人何處風景依稀我乍來却羨先生多慧業婀娜嬾萬卷案邊堆

陽湖

孫星衍淵如

筆端春樹倚君栽問字堂虛爲客開後夜定懷今夕雨東風吹合異岑苔美人似夢兒飛去詞客多情燕睇來傳舍他時應憶我櫻桃花底萬書堆

會試襍被借宿家鑑溪助教

綺書

齋中因贈鑑溪

吾居少年場慙惶見推讓學行兩無成脫齒見衰相與
君接新慷慨然始自壯君文若雲霞暮天彌絢望埋頭
首藉間放眼雲霄上高秋老鶴心萬里一軒暢廉頗雖
用楚猶思趙人將古今燭三條平生屐幾兩掃眉問淺
深織錦變花樣從容伏案書嬰鏢據鞍狀豈惟氣沉雄
尤見志貞亮我年小於君讀書苦遺忘手持敗鼓皮不
售意惆悵賈君勇有餘挾我軍亦張蘇洵善刻勵鄭虔
未疎放

朝廷用文獻老者未可量晚達古有之此局君非創君
如充琥璜吾寧儕甕盎

洪稚存學使寄歲暮見懷詩至久之未能和也六月八日夜忽夢稚存過予草堂因次其韻

長安六月雨生寒萬里鏡前斗帳寬
杜甫天涯曾夢李孟郊日下舊齊韓
平蠻有信猶橫槊
覓舉難成似累丸
南雁斷飛消息遠
節華無恙勉加餐

附來詩

陽湖 洪亮吉 稚存

人言風貌太清寒誰識詞源萬斛寬
吳下早聞呼短李禁中久已識詩韓
傳經帳後繅雙疊寫韻軒前墨數丸
誰似渠農夫婦好賣文錢少減晨餐

題郭頻伽水邨圖

有邨如栗里雅號是蘆墟聊以玉川屋圖爲軻水居春
秋多蟹稻來往足樵漁他日卜鄰約吾當歸做廬

題韓二觀察對桂舫圖

君從桂水還示我桂舫卷此卷十年藏斯遊一朝踐金
粟記前身珠江快新晴秋心邈川途騷人又京輦

送郭十三庶罷解南還卽用其見題小照詩韻

場屋病墨卷迴風洩尻肛牛醫妄塞之處方雜奇厯坐
使燕頷人兀如鶴肩搜所懷鼠璞一欲易龍章雙眞士
手中珠投暗人轉雙誰除木义果別樹金剛幢老夫三
遺矢匍伏甘就降窮魚難上竹墮猱肯緣檀子今復落

沙洲先生集卷十一
解去去投荒江惟子氣雄界勿隨衆紛囓豐鐘俟時鳴
不待人考撞古之飛將軍贖脚孫勝龐

附
題楊甫小像

吳江
郭 麀 頰 伽

世人食地肥其形皆豚豕先生一何瘦面削疎眉厖
天馬駿骨立奇鷹怒毛攫黃金布指十碧月明眸雙
光芒照今古當者神魂懣與世不相入低昂風中幢
世亦屢困之待其俛首降苟非道力深危哉都盧橦
作畫僅形似鴻影留清江我詩亦皮相未免言多囓
同時千佛經列鼎洪鐘撞烏摩牟尼珠老此居士龐
家葑町給諫 友亮 見示所著金陵雜詠題詩當序

并送其視漕南下二首

孟堅志地理往往多引詩宋衛陳鄭間推本風人辭旁
皇數沿草盛衰幾嗟咨具知古圖經常以詩爲資後來
登覽作無復掌故垂遂令錦囊句不敵破冢碑金陵一
都會故蹟尤支離君今大抒詞一一勘正之蒐羅見昔
遜考索祛今疑得意書數行足補志乘遺他時輿地紀
著錄當在斯

從來詩古文能者共輻輳君詩藹春雲君文粲秋菊倒
篋肯示予篝燈快先讀此詩付流傳昏貴不待卜會當
將漕去話別太匆促此行旄節雄况兼鄉路熟人生仕

宦途容易山水福蜀岡正梅花焦山有修竹江鱗脫新
網泉酒壓陳麴醉中興會臻揮灑凡幾幅明年採歸裝
更序來南錄

十月廿三日

養心殿引

見以教職用恭紀

日角曾瞻

帳殿中重來

闔闔啟矐矐三年夏課叨

恩例四度春闈負至公鄉國好教迎養便儒官况有讀

書功臣無餘業南山下已免操觚逐轉蓬

歲滿受代留別諸同舍兼示生徒二首

三年畫墁功半以宰官出所獲雖已奢風波蹈危慄鯁
生拙人事懶慢多誤失爲縣誠未宜司教非所恤可憐
苜蓿盤團團照朝日寧非

聖人恩解放就安佚廿年場屋身九試凡九黜明年當
十上奔北思借一低徊戀

清時蒼黃勢莫必不生

君父心塗窮莽蕭瑟收材正有時他年恐衰疾終然不
得當行矣老著述

桑下戒三宿留戀容有之况經三年久去去從此辭凌
冬犯嚴飈當暑戴赤曦諸君偕出入趨步相攀追每當
晝諾罷坐嘯譚書詩多蒙恕狂直見謂微有知忘形互
爾汝諧笑雜戲嬉渾忘日月逝失意今別離豈惟吾悵
別諸君必吾悲揮手謝生徒媿我非人師自知鮮實效
焉能留去思尚期愛景光修業須及時

歲滿去館鐵侍郎枉詩見贈依韻奉酬

聖代官何擇卑棲道未窮雲霄曾咫尺牆壁幾英雄疲
馬難辭樵饑鷹不受籠慰公江海獨有著書工

附原作

滿洲鐵保冷亭

君才非百里翻合廣文窮性癖官宜冷身孤氣益雄
五言看卓犖萬類入牢籠好樹名山業升沉聽化工

次韻酬法祭酒見贈

長嘯今天下誰爲命世才未能登日觀敢望畫雲臺漢
詔堂堂下唐科歲歲開一官身拓落須讓後賢來

附原作

蒙古法式善時帆

自有千秋業原非百里才乾坤餘鐵硯風雨共金臺
明月前身悟梅花昨夜開臯比吾上座釋褐看君來

每科狀元率新進士釋褐例參祭酒
鐵夫尚從會試因以戲之寶冀之也

知忻州事汪君

本直

重修元遺山墓求詩

計生獨拜茂秦墓宋公重築伯虎墳近人豔誦此二事
風流繼見今汪君汪君爲吏果儒雅遺山冢前肯下馬
摩挲斷碣補全文收拾頽垣易新瓦遺山生涉金元際
百年文獻身孤繫野史亭前網舊聞中州集外存餘例
黑龍江黑龍飛久文武英雄事粗有接迹歐曾起范班
天留此筆遺山手一代文章不抹窮饑寒坐老亂離中
女几避兵何拓落鄧州懷古轉沉雄生前掩袂死霑巾
著錄猶傳日月新明昌以後誰爲質虞范前頭要此人
詩人從古無高寵何況區區死士冀馬昇歸來魚麥虛
牛眠難保松楸拱卻有汪君訪遺趾更遺屨孫讀書史

隻雞絮酒儼平生掛劔燒錢若新死人生旦暮成今古
人鬼飄零各風雨李白青山尚墓田杜陵灤水猶祠宇
此風牢落今誰嗣此事流傳正須志眼底文人貉一邱
九京隨會吾揮淚青雲黃土世悠悠吾輩還當荷鍤遊
平原多少遺墟在白骨蒼苔場井秋

題雪窗課讀圖爲梧門作

吾嘗分教入 禁鬻梧門於此前爲生館下老生有傳
述能說梧門秀才日緇袍讀書躬負薪太息眼底無斯
人斯圖蕭蕭又何地更繪秀才以前事梧門出繼成孤
兒先夫人實爲之師牽蘿補屋境淒切畫荻爲字心悲

危有時風雪打窗下
晨炊煙濕昏燈地
閉門已作袁安
僵映書還似孫康
把書聲時雜剪刀聲
不覺天明道月
明可憐此境無多子
寫上荒寒一番昏
天邊日月箭投
壺母影旋隨雪影徂
松釵漸長新修墓
艸帶叢生舊住
廬孤兒早直 金華殿謝莊衣上花成片
臯比此日擁
堂前生徒立雪來
參見兒身今貴母
不知兒課不如母
在時披圖無限傷
心處窻外秋梧葉
脫枝梧門孝友真
無二本生考葬吾爲誌
將詩歌得母夫人他年誌
外徵
遺事

歲暮放歌

東風破臘土膏動九衢銷凍車膠輪吾生何爲獨輶軻
牆陰病樹難爲春今年文債太火迫未免竭歷連宵晨
枯豪久似并不食那能霑句諸朝紳錢逋文債兩不了
付之不了聊因循宜春有帖懶自寫家僮竊換門符新
時方注授華亭教諭廣文先生果何物強項負氣頭常伸一官一
第至微細

上所親擢非他人

賜舉人及授教官皆以引見得旨凡鄉薦并以他途得教職者皆

無此不煩公卿作論薦亦無臺省相依因紛紛狗偷既

羞恥子子蚓操常艱辛饑腸出句金擲地高歌自慰如
有神老妻謝竈僮掃地坐聽爆竹喧比鄰布衣昆弟共

輦轂攜燈過我情話親

除夕家延庚見過

今夕何夕世權樂紀

元六甲周三辰明年明日天復旦

嘉慶天子朝羣臣丈夫身在未可料吾曹豈必終賤貧

故人餽酒須一醉

春松送酒

地鑪宿火添烏薪